



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XII. Anno 1245. inter gravamina nomine totius regni Angliæ proposita in Concilio Lugdunensi, etiam illud additum est, Legatum in Angliam veniſe sine Domini Regis licentia. quod erat contra ...

**urn:nbn:de:hbz:466:1-15617**

enim Legatis prestare tenebantur Episcopi earum regionum ad quas illi mittebantur, ut suprā diximus. Vnde argumentum trahere potuisset Petrus suscepitam fuisse ab Episcopis & Abbatibus Anglicanis legationem suam, si diversatus apud Ecclesias aut monasteria, procuratus ab ilis fuisset. Sapienter itaque Rex Henricus ad excipiendum Legatum mittens nonnullos, eis, prudenti usus consilio, inquit Eadmerus, injunxit quatenus iter ejus ita disponerent ut post ingressum Anglie nec Ecclesias nec monasteria quelibet, ad se tendens, hospitandi gratia ingredieretur, nec aliunde quam de suis viis necessaria ei ministrarentur.

I X. Parem repulsam passus in Anglia fuerat ipse Callistus sub Paschali secundo; à quo cùm in regnum illud missus fuisset cum auctoritate Legati, ei auctoritatē sic contradicunt est ut nullum Legati officium exercuerit. Hæc sunt verba Eadmeri: *Eodem anno venit in Angliam Guido Archiepiscopus Vienensis \* functus, ut dicebat, legatione totius Britanniae ex precepto & auctoritate apostolice sedis. Quod per Angliam auditum, in admirationem omnibus venit; inauditum scilicet in Britannia cuncti scientes quemlibet hominum super se vices apostolicas gerere nisi solum Archiepiscopum Cantuarie. Quapropter sicut venit, ita reversus est, à nemine pro Legato susceptus, nec in aliquo Legati officio functus.*

X. Anno M C L X X V . missus quidem in Angliam est Legatus Hugo sive Hugutio Tituli sancti Michaëlis Cardinalis, & suscep-  
tus ut Legatus. Sed adnotandum est illum à Rege Henrico secundo peritum fuisse. Rogerius de Hoveden: *Eodem anno, paulo ante festum omnium sanctorum, applicuit in Anglia quidem Cardinalis nomine Hugezun, apostolice sedis Legatus, pro quo Dominus Rex Romanum misserat. Et invenit Dominum Regem apud Vintoniam; & Dominus Rex venit ei obviam, & Henricus filius ejus cum eo, & cum cum debito honore suscepit. Narrat deinde Hovedenus illum convocasse Concilium apud Vestmonasterium, cuius celebratio impedita fuit ob contentionem de praefessione inter Archiepiscopos Cantuariensem & Eboracen-  
sem; qui sanè primum locum cedebant Legato, sed uterque à dextra ejus sedere vo-  
lebat.*

XI. Anno sequenti editum est in Anglia magnum exemplum auctoritatis Principium, quod apprime congruit cum moribus nostris. Misserat Alexander III. Legatum in Scotiam Vivianum. Is vero ut in Scotiam proficiisci commodius posset, per Angliam sibi putavit esse pergendum. Quod cùm Regi nuntiatum fuisse, statim ad illum misit qui ab eo peterent qua auctoritate fa-

ctum erat ut in Angliam intrasset absque ipsius permisso; ac non antē permisso est ultra progredi quam jurasset quod nihil presumeret de potestate Legati contra voluntatem Regis. Docet nos ista idem Hovedenus his verbis: *Eodem anno Alexander Papa misit Vivianum Presbyterum Cardinalem apostolico sedis Legatum in Scotia & in insulis circumiacentibus, & in Hybernia, & in Norvegia, ad causas ecclesiasticas audiendas & determinandas secundum quod Deus ei administraret. Qui cùm in Angliam veniret, Dominus Rex misit ad eum Richardum Vintoniensem & Gaudfridum Elensem Episcopos, ut interrogarent cum cuius auctoritate ausus erat intrare in regnum suum sine licentia ipsius. His igitur interrogationibus predictis Cardinalis plurimum territus, de satisfactione juravit Regi quod ipse nihil ageret in legatione sua contra voluntatem ipsius. Et sic data est ei licentia transiundi usque in Scotiam.*

XII. Anno M C C X L V . inter varia gravamina quæ in Concilio Lugdunensi proposta sunt nomine totius regni Angliae, etiam illud additum est, Martinum, cuius superius <sup>123-124</sup> fecimus mentionem, in Angliam venisse sine Domini Regis licentia. Deinde procuratores universitatis Angliae, de eodem Martino loquentes, aiunt istud factum esse privilegium Regis admodum derogando, per quod ei à sede apostolica specialiter indulgetur ne quis in Anglia legationis fungatur officio, nisi à Domino Rege specialiter postulatus. Percullus improvisa interrogatione Innocentius I V . nihil respondit; sed postulata Anglorum elusus rarissima moderatione, rem esse dictans quæ morosa deliberatione indigeret, indistinctam se responsa daturum pollicendo.

## C A P V T L V I I .

Synopsis.

I. *Scotia tum isle penè moribus vivebat quibus Anglia. Cum Scotti frequentia Legatorum urgentur, istud tandem pervicerunt à Clemente III. Pontifice Romano, ut nulli qui Scotti non esset licet officium legationis exercere in Scotia, nisi forte et quæ de corpore suo fides apostolica specialiter definiravit.*

II. *Hoc privilegium à sequentibus Pontificibus confirmatum est.*

III. *Venit cùm nec si quieta aut secura esset Scotia à rapacitate & tyrannide Legatorum, rei deductâ est ut non ita multo post Scotti liberrima Episcopi cuiusdam oratione commoti Legatum quendam, qui recenter adveniat, repulerint.*

IV. *Factum id bono exemplo & in posterum profuturo. Nam sub Clemente IV. Legatus ab eomissis, extra fines Scotia subsistere iussus est ac per laitras mandata expondere, denique in regnum admisus non est.*

V. *Quare existimandum est Ottinem, cui Gregorius IX. commisit legationem Scotie, aut admirans*